

واشيارينك محافظه سى ايجون انشا ايتدير دكاري
 ميانينك املاك وركوسندن معايتى مسئله سى كه
 شمدي به قدر مشروطيتك فواندماديه سنى تقدير
 ايدم ميان اهاليز كفاف نفس ايدم بيله جك
 درجه ده الله ايتدكاري جزئى برمباني چولو غنك
 چوجفنك تا عين ميعشتنى دوشونه ميهرك حكومه
 ترك ايدر كن بو كره كنديلرينه بخش ايدلش
 مشروطيتك فواندينى تاميله اثبات ايدم جك
 وكوييلير بمزده ماسكتك حيات مليه سنى اعلا
 ايدم جك اولان زراعتك ترقيسى ايجون بتون
 موجوديتلى ايله چالسه جقلردر . حكومتك
 قبول ايتديكى ، وملت مجلسنه قبول ايجون اصرار
 كوسترديكى اساسلك مجلس عمومى چي دى
 مظهر حسن قبول اوله جفنده شهبه ايدلش .

فقط حكومت بو قانونده ياكى زراعى
 نظر دفته المشدركه ديكر صنف اهاليزك اقتدار
 ماليسى نظر دفته آنه روق اولورسه اولور كده
 زراعى قدر محتاج معانات اولدينى نظام ايتدر .
 ايسته كواهييه ميه سنى فريد بك بو اساسى
 دوشونهرك قصبه لرده سان فقراى اهالينك
 دى بو مساعداقن استفاده لرى اسبابنك
 استكمالى درميان ايتدى شويله كه :

« بو قانونده (۲۵۰) غروش ايراد
 سنوى يي نچاوژ ايجمان خانلر استتسا ايديليرسه
 هيچ اولورسه ايراد سنوى يي بك غروش تجاوز
 ايجمانلك يوزده طقسوز غروش وركو ايله
 مكلف اولملى عدالته مقارنلر حكومت على

العموم رنجبرلك اقامتكاهنك تكاليفدن استثناسنى
 تكليف ايديلور انجمن پونى قبول ايتيور . بو
 فكره اشتراك ايدرسه مده يالسكر بر نقطه ده
 معارض بولونه جفم كه رنجبرلره تشميل ايديان بو
 استثنائيتك قصبانده بولان فقر و حال اصحابنه
 تشميل اولنماسيدير . بناء عليه على العموم
 عثمانيلرك مسكنلى . سنوى ايكي يوز اللى
 غروش ايرادى كچمديكى حالده ده استثناسى
 لازم كلور . چونكه بنده كمز ايكنسك پيشده بر
 فرق كوردمام .

فريد بكك مطالعاتى بك منصفانه در .
 حقيقه يومية اوج بش غروش المى صورتيله
 معايتى افنا ايدن زوالى عمه مسكنلر بلك
 اولور سى ايكوز اللى غروشى نچاوز ايتديكى
 حالده وركويه تابع طوئلى مساواته محل كى
 كورينور دها طوفرسى محل مساواتدر .

هر حالده مجلسك ، حكومتك مطالعاتى
 بلك بركينه بك يقين بولنديندن ائتلاف
 قبول بولاجى و فريد بكك ده عماله حقيقه
 سرد ايتديكى بيانك نظر دفته آنه روق فقير
 طار اهاليزك ترقيه حالرينه ، محافظه حق و قترينه
 معايتى ايدانى بالخاصه استرحام اولور .

.. م

منظومه افكار مطبعه سى
 مدير مسئولى حسين حلمى

صاحب امتياز ومدير مسئول :

سرپرست ازبير غزتاى صاحبى
 حسين حلمى

Directeur Husséin Hilmi

مع پوسته سنه لى ۶۰ غروش
 « آلتى آياني ۴۰ »
 مكاتيب واوراق وارده باب على
 جاده سنده منظومه افكار مطبعه سنه
 كوندر لميلدر .

اشتراک

برى برى باقار ، قيات اوندن قوپار

سوسياليزم افكارينك مروجيدر

Journal socialiste ICHTIRAK

مندرجات

- ۱ سوسياليزم سى و غيرت ؛ بديك . ۲ اشتراكيون سوسياليسم مكاتبى : بديك .
- ۳ عماله شرقى سى : معلم جودى . ۴ فردر - ۱ . ۵ رفقى . ۵ دوشون : قرده سى مبعثرى مجدى .
- ۶ ايشجيلر منز : ۱۰ رفعت . ۸ اسلافده سوسياليزم :

سوسياليزم وسعى وغيرت

عمله ومنفكرين

فقر و ضرورت

روس سوسياليسلرندن مشهور (به ودر
 لارودم) ديوركه « بزار ويا كيج صحنه مجادله
 ومبارزه ده اعلان مظفريت ايدرك عدالت
 ومنساواتك قواعد اصليه واساسيه سنى هر كسه
 متساويآ اوكرته جكز » زكنيلر ، فابريقه طورلر

ميراث خوارلر ، آزچاليشوب يالانچيلاق ودرلو
 درلو حيله كارلغك ارتكا بيله چوق پاره
 قازانانلر موسى اليهك سوزلرني هر زمان كمال
 استمزا ولاقيدى ايله تلقى ايدرك « سن حق
 ديديكنى مرتفع بر طاغك تپه سنده ويا خود
 بعدالموت مقبرته آرامليسك » ديمشلر ايدى .
 اوت اچركين ، مشوم ومنجوس بر حياتك
 انعام ايتديكى بتون ثروتلردن ، لذتلردن ، ذوق
 وصفانردن استفاده ايدنلرك وهر زمان اونلردن
 لذتياب اولانلرك حيات ماديه نك طبقات اسفلنده

طو لاشان مردار قفالرك، ملوث فكرلرك، ملعون
ذهنلرك دوشونديكاري، سويديكاري دائما
ودائما بوندن عبارت اولمش در. ايسته بونلرك
سفسطيلريني، مطمئن ومدبذب حياتلريني
كورنلر وايشيدنلر البته حيات ماديتهك لئانذ
كونا كونندن حصه ياب اولق امل خيدسانه.
سيله انسانيتك، طريق ترقيسنده حق ومساوات
اساسلريني ترصين وتقويه ايتك ايچون كيجه
كوندوز صرف غيرت ومساوي ايدن متفكرينك
احضار ايتش اولدقلى زمينلريني چيكنه يوب
كچمك ايسترلر، درين فكرلرك تظاهرات
طبيعيه سي، ملوث دماغلرك تجليات مكروهانه
سنه قارشو سياد پردلر ايله اورتولور.

(بهود-لاوردم) اصلا حدتلمز، بز
چالشفق تكرر چالشفق وحقوقي عدالت
ومساوات قواعديني تعقيب ايتمكه البته والته
بركون كله جك كه: حريرت ومساوات مطلةهك
زمين نرميني اوزرينه سوسيايزم فكرينك تجليات
عاليه سي فرمانفرما اولوب حقائق بشريه
واجتماعيه شعاعاتي هر طرفه متساويا عكس
ايتدیره جكدر.

« بز ارويا كچ غلبه چاله جغز، بومظفريت
قواي مششومه ماديه ايله دكل، خير! بز
مظفر اوله جغز زيرا بنامز عدالت وحقانيت
اساسلري اوزرينه قورولمشدر. هر نه قدر
مدهش فورطنلر، اريستوقراتلرك اندفاعات
غدارانه سي قوتلي سلاحلر جهت معكوسه دن
وزان اولان روزكارلر هر آن وزمان تلممزي
چوروتمكه، بنساملرك داملريني چوكيرمكه

ساعي اوله جقلر ايسهده بزم اساسهز قوانين
طبيعيهك، تظاهرات طبيعيه بشريهك، مواد
اصليه سيله مخلوط اولديغندن سزك ملوث سلاحلر كز
طوپلر كزك كله لري، تفككلر كزك قورشونلري
آغز كزذن فوران ايدن شتوم غليظه، قاصه.
لر كزده مدخرا اولان نفوسد هيچ بر وقت
بزم افكار و نمايلز تلمزي پايمال ايدمزلر وايدم.
ميه جكلردر « ايسته بهودرك صوك سوزي.

بوكون دنياده، كرك عالم مدنيت وكر كسه
عالم ظلمت وتدنيدم حكومات مشروطه ومستبدمه
ده هنوز حقسزلق، عدالتسزك مساواتسزك
بتون قواي منحوسه وملعونه سيله حكومفرماندر.
هر طرفده « سن چالش بن بيسهيم، سن
دوغرا بن قاشيق صاللايهيم» سوزلري فكرلري
اشغال ايتمكده در. آه بو آچاق فكرلر بو
ملعون سوزلر ...!

فقط عجباً سربستی فكر وحياتك مبارزلري
مجادله دائمه صحنه سنده يورولوب مغلوب
اولوب هزيمته دوچار اوله جقلرمي؟

ديورلر كه: - اولرده بر كون مدهش
وكسكين بر قايجك صوك ضربه سيله محو اولوب
ايدم جكلردر. ايسته اولرك تسلي وقناعتلري!
لكن دنيا باقي قالدقجه قواعد و قوانين اساسيه
طبيعه دن اولان حق ومساوات، حريرت كامله،
عدالت مطلةهك دائما ودايما آفاق منوره ده،
محيطات عاليه ده جاكيير وفرمانفرما اوله جقلدر
ناپوليونك قلنجي بر مدت اطرافه دهشتلر
صالديقن صكره كورلنوب پاسلانير. بسمارقك
« قوت حق ازاله ايدر» نظريه سي بر مدت قاييله

عقل واذعان، مجاهدين حريرت، مرحمتلي قلبلر
حقاييق اجتماعيه يه يي تقدير ايدن متفكرين او
حد فاصللي لغو ايدوب آبد زرين مساواتي
ركز ايتمكه ساعي اوله جقلردر. او حد فاصل
لغو ايدلمكجه حق ومساوات هر آن وزمان
پايمال غدر واعتساف اوله جقلدر.

اول امرده اغتلاز دن وبعده فكرلردن
سيلنه جك پك چوق ككلر وار. زنكين نه
ديمك؟ بن بوكا بر درلو معنا ويردميورم.
لكن فقر وضرورتك نه اولديغني بيليورم زيرا
هر كون هر ساعت ميلينلرله زوالليلرك آه
وفغانلريني ايشيدير، كوزلردن اقان كوز
ياشلريني كوررم. او ياشلر كويا قابمه آقيور
او فريادلر حسياتي زير وزبر ايديور!

نه كوزل، نه طاتلي حيات! نه سعادت...!
ايسته بر زمين مساوات، باقكيز، اوراده
نه فقير وار نه ده زنكين، نه ظلم وار نه ده
اعتساف نه حتمسزاق وار نه ده عدالتسزك،
نه نفوذ وار نه ده تأثير اوراده هر شي مساوات
وعدالت مطلقه يه بر مثال كوستريور. هر كس

يك دل ويك وجود چاليشير. هر كس
يكديكرينك سعندن، اقتدارندن استفاده ايدر،
بركتله اجتماعيه كه منبهي نور مساوات اولوب
ضيايى آفاق دورادوره عكس ايلر، هر كس
كندى سي وغيرتسك ثمره لايقه سنه نائل اوليور.
هر كس حيات اجتماعيهك بتون انعامندن

متساويا استفاده ايدر. هيچ كسه ظلم واعدى يه
هدف اولمز. اوراده سعادت حياتيه حكومفرما
در، اوراده عدالت وحقانيت، ترقيات

ظرفنده افكار مستبدانه يي اشغال ايتد كدنصكره
درچارنسيان اولور. خيالات سياسيه منسى قائلير.
ارباب ثروتك ابله فريرانه بياناتي ضماخ حقيقتده
هيچ بر موقع اشغال ايتمز. باقي قالان دائما حق
ومساوات، عدالت وحريرتدر.

نيچون...! ميلينلرله انسانلر صباحدن
افشامه قدر بللريني طوغر و تمسزبن چالشد.
قلرينه رهما ينه دائما فلا كنديدم، دائما فقر
و ضرورتمده، آج وعريان بر حال اف اشتالده
درلر. اوتده بر قاچ يوز كشي ذوق ورضا
عالملرنده او زوالليلرك ترلريله تخمر سعي
وغيرتلرينك ثمره سي بلا آمان و بلا انصاف
صرف ايدمرك هيچ بر عذاب وعتاب وجداني
حس ايتمه يورلر. زواللي عمله... چالش
صباحدن افشامه قدر لاينقطع چالش،
آنك تريني دوک... دوکده مستبدفاريقه.
طورسك شو حالندن استفاده ايتسون، سنك
سعي وغيرتك اونك مدار ووسيله ذوق وفضايى
احترصات و لئانذ نفسانيه سنك سبب تطيب
وتسكيني اولسون...!

عجبا بو حقائقى سنجيدم ميزان تدقيق
ايدن متفكرين، افكار حريرت اصحابي الى
نمايه محافظه ايكميت وسكوت قائل اوله جقلرمي؟
عجبا بو حال صحنه مساوات وعدالتده عقل
ومنطق او كنده صوكنه قدر بايدار اوله بيله.
جكهي؟

دنياده فقر و ثروت آره سنده موجود اولان
فاصله، كروههك محو والغاسي مساوات
كابه يي تأسيس ديمك اوله جقلدن البته ارباب

وسعدت بشریه نك محرکی ، عاملیدر . قوای عمومیه نك محصله سندن فوران ایدن فعالیت هر کسه متساویاً اجرای تأثیر ایدیور . حریتک طرز تلقیدی آلتنده منسدهج طوران فکرلر کیت کیده پارلایور ، تجلیات و تظاهرات کونا کون ، روزگار اجتماعیه هیچ بر مخالف وزانه معروض قالمز . هر کس یکدیگری قارداش تسمیه ایدیور . اوراده اصحاب نفوذ و ثروتک تحقیرات و تو بیخاتنه هیچ کسه هدف اولمز . هیچ کسه اغنیانک نفوذ و تأثیری آلتنده ازینلز .

اوراده حریت کلامه ، عدالت مطلقه ، مساوات تامه و اخوت عمومیه بتون معنای برکدیده سیله فرما نفرمادر . زواللی مغدور بر فقیر بر زنیکنک مدبذب و پارلاق کذارش حیاتنه حسرتکش اولمز . اوراده کوزیاشلری سلینیر ، فریاد و فغانلر کسلییر .

ایشته بو کون خیال محال قیلندن عداوانان بو فکر مقبول و معقول بر کون میدان حقیقتده البته حکمفرما اوله جقدر . بو افکار و تمایلاتک ظفر استقبالندن شبهه و تردد ایدنلر بر کون مقبرلرینک حفره عمیقه سندن ساکنانه و ابکمانه بر صورتده بو منظره می تماشا ایدوب انسال آتیه به ستایشخوان اوله جقدردر . بو فکر شمیدیک البته اغنیایه کران کلیر . لکن « ضرر عامی دفع ایچون ضرر خاص اختیار اولنور و اولنه جقدر » ایشه جوابمز .

دنیا سده هیچ بر حقیقت کتم ایدنلر ، ایسوم احسوال اجتماعیه نك یا ککش اساسلر

اوزرینه قورولمش اولدیغنی هر فکر اثبات هر عقل تسلیم ایدر . فقط اعتراف نقطه نظرندن کیفیت اثبات بعنارینه میسر اولور بمضلرینه متمسک . زیرا بری اویا ککش اساسدن استفاده ایدر ، دیگری ایسه بسپتون مغدور و پریشان اولیور .

چالش ! چالش ! صباحدن اقشامه قدر ۳ - ۴ غروش ایچون چالش ، پاتروننک بیبرلی ، زهرلی تحقیراتنه شئوم غلیظه سنه هدف اولوب . چالش وجودک قاورواسون ، ذهنک پریشان اولسون ، قلبک دغدار حزن و کدر .

بعده بونلره ضمیمه اولوق اوزره ثمره سعی و غیرتینی املق ایچونده کونلرجه یالوار ، ساعتلرجه پاتروننک یازیخان سنک چوسنده صفتسته احترام اول « بو کون یوق یارین کلکمز » - ائندی بو اقشام بش پاره مز یوق جینمزده اتمک پاره سی قالمدی ، رجا ایدرز هیچ اولمزسه بر مقدار پاره واسون ویرکنز . اشک حریفلر هایدی دفع اولسکز دیورم سزه . کبرسه کزده پاره یوق بو کون . بو اقشامده آج قالکمز ... ایشه بر جواب . ایشه عمله حیات اجتماعیه نك بوزوقانی ، و بونلره قارشو سوز سویله مک . سر است فکر بیان اتمک ممنوعدر . وارسون فابریقه طور ایستدیکنی یایسون . وارسون پاترون مستخدمینی جایر ، جایر قاورسون کیمک امورنده ؟ سزده چالشوبده پاره قازانه ایدکنز - و حق بویله چه زائل اولور .

مجادله ، مبارزه ... ! حیاتده کندیلکنندن مبارزه بوقدر . اونی ایجاد ایدن غدار ، هر حسیز

انسانلردر . بز بو حارک رفعی و عمله نك مدافعه حقوق ایچون البته الی نهیاه صحنه مجادله ده تحریک سیف حریت ایدوب ، نهایت اعلان ظفره سعی و غیرت ایده جکنز .

بدیک



اشتراکیون « سوسیالیست » مکتبی

قدم نقطه نظرندن سوسیالیست مکتبی لیبرال مکتبندن پک اسکیدر . علم اقتصاده اساسلر وضع ایدنلر پک چوق زمان اول سوسیالیست فکری حکمفرما اولمشدر . علمای مشهوره قدیمه دن انلاطون بومسلکک اساسلرینی وضع ایتش و عصرلرجه مدت بر چوق فلیسوفلر و علمای عالم مسلک مذکور ی تعقیب ایدرک حیات اجتماعیه بی تنظیمه سعی و غیرت ایتشار ایسه ده مدهش انکیزیسیونلر ، متعصب راهبیلر ، مستبد حکمدارلر ، ظالم پرنسپلر ، ارباب ثروت و سامان دائماً و دائماً بو فکرک تعمیم و انتشارینه مانع اوله رق سالیکارینه قارشو مظالم و اعتسافات بی نهیاه اجرا ایتمشدردر .

فقط سر است فکر هیچ بر وقت قارشو سنده قوعبولان ثمانعانه ، اعتسافات و تعدیاته سز فر و ایتمز ، او دائماً جدیدی تعقیب ایده ایده غایه

مقصدینه وصول ایچون هر در لوقدا کارلنی کوزه آلیر . سوسیالیزم فکری ترقی ایتش و ایده جکنر . ارباب امتدادنه قدر نماعت زمیلری احضار ایدرلر سه ایتسونلرینه بو مسلک ترقی ایدوب بر کون علناً اعلان ظفره موفق اوله جقدر . علم اقتصادک ظهورندن صکره سوسیالیزم دها زیاده سرعتله تعمیم و انتشاره باشلادی . اقتصاد ایله سوسیالیزم آره سنده سنه لردنبرو دوام ایدن منافرت و ضدیت سایه سنده بومسلک سالیکاری چوغالمشدر .

عصر آخیره فرانسده سوسیالیزم مسالکنک ترقیسنه اک زیاده غیرت ایدن سن سیمون ۱۸۲۱ تاریخنده نشر ایتدیکی « اصول صناعت » نام اثریله کسب ایتشار ایتمشدر ، عالم موحدی الیه بو اثرنده جمعیتک بتون اوجاع واضطرباتی تعداد ایدرک زنیکنلره ، اریستوقراتلره لغتخوان اولمش . مشهور فوریه ۱۸۲۲ تاریخنده « حق تصرف نه در ؟ » اثریله سوسیالیزم عالمنده بر مواقع مهم احراز ایتمشدر .

انکلترده مستر (اوین) ۱۸۱۲ ده آلمانیا ده قارلی - مارقس (سرمایه) اثرلری نشر ایدرک صحنه اجتماعیه ده انفلابلر حصوله کتیر مشلدردر .

صوک زمانلرده سوسیالیزم مسلکی اک زیاده آلمانیا ده ترقی ایتش اولوب « اشتراک » اصولی ایجاد ایدلدی .

سوسیالیزم مکتبی تنقیدات ، شکایات ، موأخذات اساسلری اوزرینه قورولمش بر بنای منظم و محتشمدر . اوراده مسائل اجتماعیه بتون

رنگا رنگ تظاهرات و اشکال مختلفه سیله انظاره مدقیقینه قارشو هیئتیا اولور .
سوسیالیست مکتبی سانسکرینک متعدد عقیده لری میاننده اذ زیاده جالب دقت اولانلری بوجه آتیدر .

اولا . - صورت عمومی ده بتسون سوسیالیست مکتب لری احوال اجتماعیه حاضر نك برطاقم علل و امراض ساریه ایله معلول و مریض اولوب امراض مذ کوره میقرر و بلری کیت کیده کتله جسمیه اجتماعیه پی کیره کیره محویاتی موجب اوله جقلدر .

ثانیاً . - بتون املاک و اراضینک ، اشیا تجاریه و مواد اصلیه زراعیه و صناعیه نك بعض صرحتمسز سرمایه دارانک و ارباب زعامتک تحت تصرف و تملک کنده بولند قیلرندن طولای حیات اجتماعیه ده دائماً اهنکسز نك ، انتظام سزلق ، اطراد سزلق حکم فرما اولوب جمعیتک مقصد اصلیه سنه خال طاری اولور ،

املاک و اراضینک ، ثروت و سامانک ایدی نجه و صدهده تمرکز ی البته جمعیتک اسایش و انتظامی بوزار ، تعبیر عامیانه سیله « کیمسنده چوق چوق ، کیمسنده هیچ یق » اولوب ، چوغه مالک اولانلر هیچسه مالک اولانلری ایستدکاری کبی کندی منفعتلرینه اوله رق چالشیدر لر ، اولنرک سعی و غیرت لرندن کندی لری استفاده ایدرک دائره ثروت و سامانلری ده زیاد توسیع ایدر لر ، قاصه لر نده مدخر آلتونلرک عددی چوغالتیر لر .
ثالثاً . - بر زمان کله جک که تملک و تصرف

کاملاً میداندن قارق تصرفات و مملکات عمومیه قاعده سی جاری اوله جقدر . بوضورتله هر کس متساوی سعی و غیرتندن استفاده ایدرک هیچ برشکایته میدان قالمیه جق و بویه جه احوال اجتماعیه انتظام چیغیرینه کیره بیهلر جقدر .

اشبومطالبات و عقائد مختلفه نقطه نظرندن سوسیالیست مکتب لری بوجه آتی شعباته تقسیم ایدلم .

برنجی - اجتماعیون ، - بونلر هر نوع اشیا املاک و اراضی ایچون تصرف شخصی اصولنک قطعاً افسخ و الغاسنی طلب ایدر لر .

ایکنجی . - اشتراکیون - بونلر یالکنز استحصاله خادم اولان اشیا و موادده تصرف افسخ و الغاسنی طلب ایدر لر .

اوجنجی - اراضی سوسیالیست لری - بونلر دخی یا لکنز اراضی و اموال غیر منقولده تصرف اصولنک الغاسنی طلب ایدر لر .

عصر اخیر ابتداسنده سوسیالیزم اصولنک تعمیم و انتشارینه سعی اولان طوماس مورس ، سن سیمون و فوریه کبی سوسیالیستلرک تعقیب ایش اولدقاری مسلک همان کاملاً زائل اولمقده در بونلر استقبالده جمعیتک کیف ما ایشا بر انتظامه تابع طوتیه جغنی بیانه متعدد فکر لر غریب نظریه لر میدان قویش و اوزمان کتب اشتهار ایشلرایدی . شمعی بو مساکه سالک اولانلره و همیون یعنی هوایی بوش فکر لر بله یین نامی و پر لر .
« مابعدی وار »

بدیک



عمله شرقیسی

مادام - فالت پدر و مادر مزدر

قانون مساعی رهز ، رهبر مزدر

ارباب غذا بزلی در خاطر ایدرمی ؟

سز زده بتون افراد بشر دادر مزدر

سعی و عمله ، کبه عبادت دیمش الله

تبشیر ایدن اولو - هله پیغمبر مزدر

زنجیر مساعی که من المهدی الی اللحد

دولاب حیات آنده دونر محور مزدر

حریتی آغوشمزه آندی مساعی

مسکنک ایسه خارج دار و در مزدر

یارب عمله قوللریک هپ فقر ایز

سوندرمه که نور کرمک اختر مزدر

بز قوللرک اقدایدر اعمر ایدن ارضی

کهنه کره نك ثرتی تاب و فر مزدر

بز صید ایدرز سیله امواجدن انجو

انالله مرجان دخی دست آور مزدر

عالم اولور ارباب مساعی به مسخر

بز عالم اوعلی ، او بزم چاکر مزدر

ای زنجین ای ! ایشدن الی محروم برادر

بن ، بن قرلز ، الله بزم دارر مزدر

بر سفره قورب ایتش اکا بزلی دعوت

دعوت تداوی ، متفاوت بر مزدر

بکدیگری کل امدی برابر سوهم کل

کل کل که محبت ازلی جوهر مزدر

خاندنده برز ، مایه ده بر عین خمیرز

تاکی بو غرض مانع یکدیگر مزدر

تسمیم سادت ایدن اول کبر ، بو کیندر

کویا که طبیعتلر من از در مزدر

کل اولدیره لم اذدری یکجان اوله لم کل

ایسه بو مقصده بزم یاور مزدر

ال برانکی ، دل برانکی ، جان برانکی لازم

و حدتله اخرت سرمز ، افسر مزدر

نسیان ایدلم بنض و عداوتله شقاقی

ترک ایت که از یوز دشمن بد منظر مزدر


کیردش کبی کر یا ایکی جان عین وجوده

یکجان اوله لم تا که جهان پسر مزدر

جمع اولسه بو قوتله اوشفتت طوغار آندن

فرزند جاوی که سعادتلر مزدر

« معلم جردی »



فهردهر ایچین

عصر لردنبری سوروکلنه کلن تعصب و تحکم روحانینک بر هیکل ناطق و ذی حیاتی دنیلمکه شایان اولان اسپانیا حکومتی؛ ظاهری و قوف مشروطیتنک؛ باطنی و جزویت انتزیه لریله ینه (حق و عدل) . بر ضربه اوردرق انسانیت عالمنده نامنه نفرتلر اوقوتدوردی . (تورکه مادا) نک ، او ظالم اکبرک اشکنجه و عذابدن ، ظلم و جهلدن مخلوط اوله رق تشکیل ایتدیکی انکیزیسیوننی تکرار احیا ایدرک محب انسانیت ، خادم حریت بردهانک فنایه قاریشمه سنه سبب اولدی .

فاسه قارشنی آجیلان جدال خونینک غیر مشروع اولدیغنی ادعا ایدرک عمومی تعطیل اشغال و هیجانلی بر نمایش یاپان پارسلون اهالیسی تحریک و تشویق تمثیله (فهردهر) ی اتهام ایتدی ، قوانین عدالتدن غافل بر محکمه ظالمه او انسانیت محبتی اعدامه محکوم ایلدی . جزویتلرک تحکم و تغلب ابلیسفریبانه سی آلتنده اسیر اولان (مورا) قابینه سی بو حکمی تصدیق و متبوع مفعلملری اولان قرال اون اوچنجی آفوانسه عرض ایله حکم دارک اذنی استحصال ایتدی .

۱۳ تشرین اولده مشروطیت آلابی ! افراد دینک تفکارندن چیقان بر قاچ سفیل و بی امان قورشون حر ، مستقبل الافکار ، محب بشر (فهردهر) ک ده اغنی یاقدی ، قاووردی . بو صورتله ظالم اسپانیا ، اسکی

انکیزیسیون واسطه سیله صحیفه امکاندن قالدیر دینی مقدس وجودلره بر فرد ، بر ذکا دها علاوه ایدرک بوتون انکیزیسیونلرک بوتون دیکتاتورلرککککک بر نمونه سنی ، فقط قانلی ، فجع بر نمونه سنی دها اورته یه قویدی .

(فهردهر) اولدی ، فنایه قاووشدی . اسپانیانک حاکم حقیقیسی اولان جزویتلر ، او انتزیه چی و مستبد جزویتلر بویوک برمانی اورته دن قالدیردیلر . چونکه (فهردهر) مجاهدات تیله مکتبلیله ، آثاریله خطبه لری هیکل ظلم و استبداد اولان جزویتلر تحکمی قیرمش ، اسپانیان بویوک فسادک ، بو عنصر مشومک احساسنی عزم ایتشدی .

فقط بو کون پاریسی ، رومانی ، ترسته نی ، ناپولی تی تیره تن سسلر ، او غیض و شتوم فریاد لری (فهردهر) ک مسلک قارده شلرینک ندای ماتم و انتقامیدر . اسپانیانک بو خونخوار دسپونیزمه آفونسنک ظالمانه حکمنه نفرتلر یاغدیران (اومانیه) لر ، (رادیکال) لر ، (انترانیسن) لر اولنک تعقیب ایتدیکی مسلک متینک مروج افکاریدر . پارس سوقاقلرنده بر کتله مهیب ذی حیات کی اوتوبوسلری ، تراموایلری یاقان آغاچلری قیران ، سفارات خانه آرده سنی ایندیرن اللراو محب حق و عدلک قامارادلرینک اللریدر .

«فهردهر» اولدیسه ضرریوق نامی لایموتلر دفترینه کچدی . . بر حامی حقوق اورته دن قالدیریلدیسه مدینه اسپانیانک ناصل بر منزله پستی استبدادده بولدیغنی - وضوحیله او کوندی

بر وجود سوندی ، بر ذکا کومولدی . فقط بر حقیقت ، اورته یه چقدی . اسکی انکیزیسیون طورونلرینک یکی بر آیین ظلم و قهری سیر اولندی .

«فهردهر» اولدیسه ضرر یوق . نامی مؤبد بر حرمتله آیلان بو نامله برابر مستبد اسپانیا ایله جوزویتلرک تحکمنه دائماً لغتلر اوفونه چقدر .

«فهردهر» اولدیسه جمعیت بشریه اونک مسلکمنه سالک بیکارجه فداکار بسلیور . بو کون او ذکای آفیلک عقیم قالان تشبثاتی ، قامارادلرینک مجاهداتیلله ؛ محبلرینک همماتیلله میدانه کتیریلیر و کتیریلله چکدر .

صمیمی و صوک سلامر ؟
امور قابینه سنک بو صوک حرکت خونخواه راه سنه ؟ جزویتلرک تحکم مفسدنپروانه سنه بیکارجه تأسف و نفرتلر ! . . .

۱ . رفقی



سوسیالیستلرک آتیبی

ملکت مزده سوسیالیستلر آرمغه باشلامش و ایچلرندن بعض حیتمدان فداکاران «اشترک» نام معنیدر ایله مقصدلرینی ، مسلک لری اراهه و مدافعه ایتک اوزره ایشته شو غزته نی تأسیس ایتشلر در . ایش بوراده یه کادکدن صکره فرقلر حقدنه یازمغه باشلامتده اولدیغمز شو

سلسله مقالاتک سوسیالیستلک فصانده سوسیالیستلرک اختلاللر چیقارمق ارزوسنده اولوب اولدیغنی تدقیق ایدیه بیلورز .

اوت ، سوسیالیستلر اختلال طرفدازی درلر یاخود اختلالچی درلر . چونکه املرینی صلحاً قبول ایتدیره میه چکلرینی ؛ قدسیت و علویتنده شبهه ایتدکلری املرینی صلحاً موقع اجرایه قویه میه چکلرینی یک ایی اکلاملر در .

سوسیالیستلرک زیاده اعتدال پرور اولانلری . . اصلاحات و تکامل تدریجی یه طرفدار بولنلاری دخی محتملاً بر دقیقه مناسبه کلوبده همه حال استعمال قوت ایتک لازم کله چکلنی و صوک موانعک محتملاً ده کل ، قطعاً انجق بوسورتلا دفع و رفع ایدیلله چکلنی تقدیر ایتشلر در . فقط مسئله نک روحنه قدر کیرمک بویابده حتی ناحقسن آیره بیلمک ایچون ، اول امرده سوسیالیستلر حقدنه اختلالچیدرلر ! حکمنی ویرنلرک کیم اولدقلرینی اکلایمق لازمدر آحاد ناسه ، عمله یه ، چالیشقان کویلی یه ، باجمله صنوف مساعی پرورانه حیات اجتماعیه لرندن حالا شکایت ایتدکلری زمان ، بونلر ایچون «اختلالچی !» دینلر کیملر در ؟ بو کون رفاه و سعادتدن شعشعه ثروتدن سرمست خطوظ اولانلرده متوسطین ؛ فقط بونلر ادوار زعامتده قهار بر استبداد و نخوتک ثقات مظالمه سی آلتنده ازیلر ایکن ، ایکار ایکن یواش یواش او یانه رق اختلال ایتدیلر میدی ؟ و بو کونکی ظالملرک قسم مهی او کونکی مظلوملرک ایلر و کلنلری دکلی در ؟

شومسئله ده اهمیت متوسطینده در حالبوکه بونلر دائماً اختلالی اوله کیشدر . متوسطین اختلال سایه سنده دوغمش ، دوام حیاتی ینه اختلاله مدیون بولنمشدر . نته کیم فروتاب شرکتی . مجرد ۱۷۸۹ — اختلالندن آلمشدر بوحالده متوسطینک ، بیچاره مساعی پرورانک دوش حمیته حواله ایتدیکی ثقلت تهمت کنندی خط حرکتندن ، بدایت حیاتندن اقبال وسلطنتک اگ محتشم بر صورتده تفریرینه قدر کندیسنک تعقیب ایتدیکی مسالکندن بشقه برشی دکلدر . متوسطین اگ قرا کلق ظالمه آماجگاه اولان دور زعامتدن اختلال ایله قورتولدی حکومات مطلقه یی اختلال ایله ییقدی . ایشته شمدی مساعی پرورانده ، کرک متوسطینی کرک اصلاً هیچ بر اهمیت عددیه وحقیقیه سی اولمایان اغنیایی بویله جه یوق ایده چکدر . فی الواقع اختلال ؛ متوسطین حاضره نك ازلدکلرینه کوره مشروع ومعقول اولوبده بوکون ایکلمکده اولان اکثریت بشریه نك خلاصی موضوع بحث اوانجه مردود اولمق ، عقل وحکمت ایله اصلاً قابل تدقیق دکلدر .

شویله بویله بر موقع صاحبی اولان متوسطینی دیکلیسکیز ، آز چوق بر تحصیل کورمش ایسه یایدقاری انقلابی ، اختلال کیری وسائر دینی تقدیر بالاندیره رق ، نه درجه عشق وشوق ایله اکلانیرلر مساعی پرورانک یایمق ایستدکلری اختلال کبیر موضوع بحث اولنجه اشمئز اولردن تفرلردن منسع نفس ایده مزملر . متوسطین بودعواده طرفیندن بری اولمق صفتندن مجرد

ایده بیاسهلر کنندی حاللری کنیدیلرینکده نالایق بوله جقلرینه شبهه ایدیله منر .

* * *

سوسیالیستلر ایلکده اختلال لیلیک اولدینی میدانده در . چونکه سوسیالیستلر هر شیدن اول حالاً موجود اولان بر ترتیبی تغییر ایتک ییقمق عزمنده درلر . فقط قطعاً میدانده درکه اختلالی بر و بیله تذوق وتلذذ عد ایتزلر ؛ بلکه بر لزوم اوزرینه آرارلر . ایستدکلری آرادقاری بذاته اختلال دکلدر . اختلال یایمق ایچون چاشمازلر . اختلال هدفلرینه وصول ایچون بریولدر ، بوسبیله اویوله کیررلر مقصدلری قلی ابوت دکل ، تأیید اخوتدر . سوسیالیستلر قانندن متفردرلر . فقط انسانی کیرون بر جوق فناقلری انجق قان ایچنده بوغیله بیله چکنی دوشوندکلرندن قان ایچون فتواویررلر . قانندن متفردرلر ، مثلاً هیچ برسوسیالیست یوقدر که رحارتی محاربات بین المللی اساسندن قالدیرمق استمسین . چونکه سوسیالیست اولمق از جمله محارباتده دوکیلن قانلرله ناقابل تلافی وانسانیت ایچون عذاب انکیز یاردلر آچلدینی فکرکننده بولنمق دیمکدر . حال بوکه اختلاللر یایمق ، قیامتار قویارمق عزمنده درلر ؛ چونکه بو طوفان قیام ایچنده بو ضرب وقهر ایله قوتی عدله رام ایتک ، تأسیس حق وعدالت ایتک حقوق موضوعه انجق بر نتیجه سی مقامنده اولان حقوق طبیعییه دوزخرو اوله رق تقرب ایستورلر .

متوسطین بین المللی محاربات وقوعنی قبول

ایدلرلر . وبوندن استحصالی اولنه بیله چک منافی آرارلر . حال بوکه بر اختلال قریبک احتمال حدوتی بیله ایچلرندن برسایله رعشه نك جریانی محقق قیلار .

خلق ؟ خلق بر حریدن صورت دائمه وجدیده برشی بکله منر . ولوکه بو حرب منتیح ظفر اولسون . حال بوکه « قوللک کپیویزم » ی پی تأسیس ایدچک بر اختلال بتون امللری بلغاً ماباغ تطمین ایده چکدر .

مساعی پروران سرمایه دارانک حقه عدالته مغایر اوله رق نفسلرینه حصر وقصر ایتدکلری شیرلی استرداد ومال مشترک اولمق اوزره ابقا ایده چکلر . چونکه وسائط استحصالیه بالطبع عمومک اولمق لازم کلدیکی حالده بر قاقچ کشینک تحت انحصارنده نصل قاله بیساور ؛ بهض کیم هرک طوپراغه ، معدنلره ال اوزاتمه لرینی حقوق طبیعی نك هانتکی نقطه سنه توفیق ایده بیلدکلری برسوا ادر . « بوراسی نم » سنک دکل ! « دیمک هر بلاهتدن ، ظلمت ، حقیقی استبداددن باشقه ندر ؟

ما که لر وامثالنه کانهجه بونلر بتون انسال ماضیه راجع بر جوق تبسمات وتدقیقات متسلسله یادکار طبیعیسار بونلر ایوم بونلری حبس وحصر ایدنلر طرفندن ایجاد ایدلدی ؛ پایلان هرشی یوزلرجه بیکلرجه سنه اول بولونان اگ اوفق بر نقطه یه باغیلدر . هممزک اجساددی بونلری بولمق نه اتمام واکالده علاقه داردر .

بوحالده اصل اولورده بر امتیازله ، بر براتله

فیلان شی فلانک اولاجق ؟ بونلرک مال مشترک اولماسی حق وعدل دکلدر ؟ ایشنه بومطالعات صورت کافیه ده کوسستررکه سوسیالیستلر تارک آرادقاری ایدئی خلقیدن بغیر حق غصب ایدلمش اولان وسائط استحصالیه نك ایتردادیدر . بونی حقوق طبیعی اوزرینه بنا ایدلرلر . مال مغضوب کیمک یدنده ایسه اوندن استرداد اولتور . سرمایه داران بورده واعاده خصوصنده استسکافنده اصرار ایدرلر سه بو یوزدن صورت محققه ده تکون ایده چک فناقللرک مسئولیتی کنیدیلرینه عائددر .

وسائط استحصالیه نك مبیاعه واستملاکنی اوکه سورسک بستون عبثدر . بر آدم الندن غصب اولنان شیی تکرار مبیاعه یه جبر اولتورمی ؟ کنیدیلرینه مخصوص اولان شیرله تأمین تصرف ایچون بوشیلرینی کنیدیلرندن چالان خرسزله ، کنیدیلری طرفیندن وجود ویریان قنوانین خاضره نی کنیدیلرینه پرده برائت اتحاد ایدن خرسزله تضمیناتی ویرملری لازم کلور ؟ بوقابلیمیدر . اصلاً لازم کانی شودرکه خرسزله ، غاصبار اموال مسروقه و مغضوبه یی رد ایده چکلر در ایتزلر سه لارندن جبراً ، قهرآ آانه چقدر . حق وعدالت بونی ایجاب ایدر .

برصنف علما احوال نمائله ده « صبر ! قان دوکمه لزوم یوق . زمان هر شیدی تضمین ایدر . تکامل پایدار اولمق ایچون تدریجی ، بطی اولمالیدر . » . دیور .

خیر . بوعلما آلدانیور . هر هانتکی بر تکامل نه قدر بطی ونه مرتبه تدریجی اولورسه اولسون

عاقبت بر رجعه قطعه ایله نتیجه پزیر اولمغه محکومدر . سوسیالیستلر اجیرلک دورندن قوللکیتویزم دورینه کچمک اوزره امتضا ایدن مساعی ایتدایه نك درجه وافیه ده صرف اولدینی وساعت وعاقبت امورک حلول ایتدیکی . فکرنده در .

سوسیالیستلر شو فکرنده درلر که هر هانکی بر تکامل غایت بطی اوله رق یورو یورسه بونک سببی علاقه دارانک بطائتدن رخواستندن باسقا برشی دکلدر ؟ تعیر آخرله جریان تکاملی تسریع ایتمک دست قدرت بشرده در . چونکه ترقینک والدرندن بری ده جرأتدر .

تکامل حاضرده کی بطائت او قدر فلا کتور دوغور یور ، اینن واضطرابات بشرک امتدادینه اولیه بر صورتده سبب اولیور که بونی کورمه مک عیب وذل بوکا پروتستو ایتمه مک دنائت و بناء عالیه کناهددر . بر کره جمعیتک صورت تشکلی بوندن ، ک اول بوکا چاره ساز اولمالی بونک ایچون ده هر شیدن اول اجتماعی بر اختلال دور استحضار او قدر مدید و بو مدت او درجه سوزشایددر که ارتق « الویرر » دیمک پک دوغوردر !

عجبا زمانچی ؟ عجبا شو زمان مناسبی سو آله اصلا محل یوق . زمانک مساعده کامله سنک اک باهر دلیل مساعی پرورانک الارینی ایاقلرینی باغلایان زنجیرلری پارچه لامه نك بو کون الارنده اولدیغی دوشونویور مکدن عبارتدر ، پایچ بیتدکن صو کره یومورطه نك قبوغنی قیروپ حیقماسی نه مرتبه طبیعی ایسه کویلیلرک

حمالرک ، بقالرک ، بتون چالیشقان صرف اهلینک پایه چی شو حرکت ده اوله جه طبیعیدر .

اکثریتی تشکیل ایدن صنف چالیشیور ، چابالایور ، چابالایور ؛ نصیبی دائماً محرومیت دائماً ایکلمک . بونلرک حقی ، حق مشروعی چالیدینی هیرانده . چالیدور ، فقط قانون کسودسی ، نر ممتازز دین صنف مخصوصک یایدینی قانون کسودس ، التتده چالیدور بوکا دهانه زمانه قدر تحمل ایدیه جک ؟ مذلت ، مسکنت الی الابدی سورسون « نفع عام ایچون ضرر خاص اختیار اولنور » حکمی صورت دعقوله وطبیعیه ده تطبیق ایدالیدر . اکثریتک شرفی چامورلر ایچنده . اکثریت محو اولویور زنجینلر تکامل اجتماعینک یاواش یاواش وقوع بولسی لزوم وفائده سنی ایستدکلی قدر ایرو سورومکده مختاردرلر . بتون افراد عالمه سی ایله برابر آچلقدن نه زینتی مساعی پروران لازم الحصول اولان بوتمولک آنی اوله رق وقوع بولسی فکرنه درلر . بو کونک مرفهینی ممولاتی دونکی دره بکارک مستبد حکمدارلرک قوت و قدرتی نهایت تکامل تدریجی ایله دکل دیو اختلالک نیجه پولادی ایله قیردیله رلرینه بو صورتله کج دیلر . بش مستبد یرینه بش یوز مستبد !

بو خرسز لریق ایدیه جک ! بو قانونی خرسز لریقون اولمغه برابر مطلقا خرسز اولان خرسز لری ، سرمایه دارانک بشقه کیم اوله بیلور ؟ اوت سرمایه داران چالیور . هم سرمایه

مؤسساته توجه ایده جکدر . مع هذا بوجریان مشروعلک اوکنه بر صورت جدیده چیقانلر البته جزای سزالرینی کوره جکلردر . اولره آجیه آجیه هم جزا ایدیه جکدر .



— دوشون —

دوشون ای انسانیت محی که مجموعه الحکم قدسیت اولان نی محبتی حضرت محمد مصطفی اصول اسلامیتدن اولان بر حدیث حکم پرورانده سنده - کندی خوشکه کیدن شیئی قرداشکه ده خوش کورمد کجه مؤمن صایلمازسک بیورمشدر شمدی بو قول جلیل اوزرنده الله عشقنه سنکه برابر براز دوشونم لم ثروت و ساماننک مشاغل کثیره سنده بر چوق خدمه نه بر چوق عمله استخدام ایدن بر صاحب قدرت ، او عمله نك او خدمه نك هر دقیقه سعیندن ، هر مازن غیرتندن استفادیه چار چشم احتراض آچار ، عملیه عاداتا حساب معلوم ایله تنفس ایتدیرر ، حاصلی لوازم استفادیه سنی هر وجهه تأمین ایدرده اجرته ده انصافسز طاورانیر مجبور خدمت اولان عمله ده سائقه ضرورتله بو صاحب حرصک هر تکلیفنه ایو الله دیرسه بوکا انسانیت عقل ، منطق راضی اورمی اولماز می ؟ شبهه یوقدر که اولماز چونکه اوزنکین کنیدیسنه یا پیلسه مطلقا خوشنه کتمیه چکی برشیئی عملیه یایدیرمش اولیور .

دارانن دکل ، اصل فقرانن چالیور . سرمایه دارانک ثروت و سامانی فقرانک حق مشروعی مکنتسی تماماً تأدیه ایدلمه مک صورتیه آرتوب کیتمکده در .

زنجینلر متجاوز درلر ؛ تعدی ایدیورلر . کتله مساعی پروران اوزرنن استیفا ایتدکلی رسم فضولی میدانده . اختلاله کانه ده بر فئالق ، چونکه تشتی ، تذبذب ، شورشی موجب چونکه انقطاع مساعی بی مادی باخصوص بر مجهولیت مخوفیه سائق فقط بر اختلالک حقیقی مسؤلر می بو اختلالی یاپانلر دکل مقا . و مت مصره رلیله بوکا وجود و پرلردر .

سوسیالیستلر اختلال طرفدارلریدر . بوکا سبب اختلالی محق وفائده لی کورملریدر . اختلال بر فلاکت عظمی فقط بر فلاکت لازمه فقط بر فلاکت موقته در ؛ دوامی ثباتلی بر فلاکتک یرینه اقامه ایدلمک ایستیلن بر فلاکت موقته در .

بر دیش چیقاررکن بر عذاب الیم واردر فقط دیش اغریسننن قورتق اوزره بو طریقه توسلده تردد ایدلمز .

طبقی بویه اختلالده سرارتا نکیز بر عملیا تدن ضروری والزم بر عملیاتدن بشقه برشی دکلدر . انسانیت بالاخره انجیق بو عملیات سایه سنده ده از اضطراب دهه آز سقالت چکه جکدر .

سرمایه دارانک بالنفس مهم اولمدینی دوشو نیله بیلور . بوکا مقابل نقطه تسلی شودر که اختلال سرمایه دارانک شخصنه دکل ، یالکز

واقعا احكام اساسيه من بو كې احوالی تراضی طرفینه ربط ایتدیکی جهتله بتون سنك اعتراضاری اغیا اوسته یاغدر مامق واغیا اچونده مقالوه بی بر سند صحیح کوسترمک مدافعه سی پک کسدرمه ویرله جک بر جوابدر

فقط نازنین حریتک، محبوبه مشروطیتک جلوه کر اولدیغی ممالکده هر درلو ترقیاتک هر درلو فیوضاتک هر درلو کالاتک توسع و انبساطی بر امر طبعیدر. بو قیلدن اوله رق مملکت مزده فیض مشروطیتک ایجاباتیه زراعت، صناعت، تجارت کبی اقسام مدنیه تک آن بان تجلیسی مشهود اوله جنی کبی تحت الارض مکنوز اولان و ملیون ملیون قیمتتری حائر بوتان معادنک فعالیت عظیمه ایله ساحه ثروته دو کوله جکی شبه سزدر بونلر بر طاقم امور عظیمه مدنیه درکه مملکتک حیات فعالیتنده بر چوق آثار مهمه میدانه کتیره جک و سرمایه دار لرله عمله آردسند حقوق متقابله مهمه تواید اید جکدر. ایشته او آن فیضناکک ظهورنده درکه بو کون مملکتک ساحه وسیعه سنده قوت بازوسنه قارنی طویوره جق بر بها تقدیر ایتدیره بین بیکارجه کوچلی قوتلی آدمک مساعیسی ادامه حیاتلرینه قارشی هنوز کشف و انکشاف بر خزینه اوله جقدر ایوم مملکتک بعض اقسام مهمه سنده مکافات سعینی حقیله استیفا ایدینه عمله تک حتوقنی مدافعه لوازم انسه ایتدن اولدیغی کبی کوندن کونه توسع و انبساطی محقق اولان فعالیت مهمه تک تراضی طرفین مسئله سنده صحابی مساعی به عائد بولان رضا پک قیمتلی و نازلی اوله جقدر

هر فرقه تک، هر جمعیتک، هر جماعتک بر عقل خواه سی بر منور الافکار ی اولق لاید اولدیغدن عثمانی سوسالیستلریده ادامه حیاتنی بازوی مساعیسنه ربط ایدن عمله کروهنک مدافعه حقوقه تنویر افکارینه چالیشیره انسانیتنه قارشی مهم بر وظیفه ایفا ایش اولور

بو خده تی ایفا زمانیده عهد فعالیتک کال کرمی ایله ظهورینه وابسته در. بزده قابل تطبیق اوله بیله جک سوسالیستک بوندن ایلرویه ادیم آتاماز بوندن ایلروسی هم سوسالیست فکرینی طاشیانلرجه همده مملکتجه موجب مضرتدر. هر شیده ایسه افراط و تفریط موجب وخامت اعتدال ایسه عین صواب و محض فضیلتدر اضافات ونسبی بالازاله هپسی همزک دیه جک قدر پک واسع و بتون انکامی هدم اید جک بر فکر اشتراک ضلال محض اولدیغی کبی امور کونیه ایلده قابل تطبیق دکادر چونکه شوائب نقصان ایله مالا مال اولان بشریتی نقایصدن تجریدایله یوکسلته یوکسلته ملکونیه در ایصال بعض افراد ایچون ممکن اولقله برابر عموم ایچون محالدر بشریتک نقایصیه برابر تسویه عمومییه قالقیشمق ایسه هرج و مرج عمومی بی متجدد تصفیة اخلاق طرفه ساوک ایدنلرجه (شریعتده بو سنک شو نیم، طریقتده سنکی نیم بنمکی سنک، حقیقتده نه سنک نه نیم) دیه مشهور بر سوز وارد بونک شق ناشی سباب اضافاتی مشعر ایسده بونوع کلمات صرف علاقات کونیه بی قطع ایله روحی منسوب اولدیغی عوالم علوییه

سیر و تماشا یه اماله مقصدینه مبنی اولوب یوقسه استحلال حقوقه معطوف دکادر.

علوم موجوده بشرک بالاسنی بالجمله ملل متمدنهده فلسفه تشکیل ایدر. بزم تعبیر منجه فلسفه، علم حقیقت دیمکدر. او حقیقت که شاعر آلهی اسکنداری حق بکک جزئی فیض انفاسیه نطقه کلن مشهور ناجی مرحوم آکا قارشی

ای حقیقت کورون که انسانلر آکلا سونلندر صفای حیات استتار ایلد کجه سن بویله بز جدلسز یشارمی یز هپهات

دیمشدر ایشته بو حقیقتدن فیض استعدادینه کوره شمه یاب اولانلرک یوکسک افکاره مالک اولدقلرندن بونلرک دوننده بونانلرک افکاری آنلرک فیض شمول افکارندن خارجه حقیقه ماز دها آچیق تعبیر ایله رجال عالیه تک افکاری افکار سائر اوزرنده حاکم و عقول عالیه عقول متوسط و عادینه تک قوئمحر که سیدر بوراده لسان قلمی ایکم ایدن بعض مهمه لری تذکارده معذور اوله رق دیرم که هر شیدن اول سویته عزقان یوکسلما ایدر و شو عالمده کورولان انسانلرک حائر اولدیغی عقول مختلفه بی تنسیق و تسویه و شوائب نقصانندن تجریدایله تصفیة ممکن اوله رق عمومی دقول عالیه مرتبه سینه اصعاد ممکن ایسه مدرک حقایق برکتله مبدله بشرک وجودی لازم کله جکندن بشقه بر طرز اجتماع بشقه بر قانون منتظم بشقه بر نظام اشتراک احداثی ایجاب ایدر. دوشون دوشون دیه بشقه لرینه ایراد ایتدیکم خطابی بونقطه ده گندم دوشنیورم بو

صوک درشونجه تک وجود پذیر اوله جغه کنده ده احتمال ویره میورم چونکه سرخلقتی بو فرضیه اخیره ایله قابل تألیف بوله میورم. ایشته بوکا بنیدر که مملکت مزده سوسالیستلرک قابل تطبیق اولان تسنی عمله تک مدافعه حقوننه انلرک تباهاه دعوتنه مقصود کور یورم بوندن ایلرویه ادیم آلمسنی تجویز ایت یورم

۱۰ مارت ۳۲۶

قره سی مبنوی

مجدی

ایشجیلر من

بزددی نکینلرک همان اکثر سنک متصرف ایلدیغی اموال، اسلاک، یازارث و یا خود احوال فوق الماده ایله بیده بیلدکاری اوفاق سرمایه لری بیوتک صورتی ایله ید ضبطلرند بولنیور، بولنیورده او قونله بچاره فقرا و عمله لری ازیه ورلر ارت بو کون روم الی جهتده کی چفتلک صا یاری، اطاولیده کی کوی اغالری شهرک متغاب بکلریغی نظر دفته آلم بونلرک اکثر سنک مورسملری دقنیه بر صورتله ا کسب غا و ثروت ایشملر بو انانسنزلرده سائق ضرورتله زیر حمایه لرینه صیغمش زوالی یاریجیلری، کویا لری، ایشجیلری قیزغین کونشک یاغورک آتنده، راطب مظالم برلرده آشاملر ادر چالش یردرق - انجق اولیه جک قدر دو یورمق ایچون - کندیلرینه او جرددر غروش یومه ویا جزئی بر حصه وروب ثمره سعیک قسم کلینی شهرلرده راحتجه بیه دلره